



Servetsch social – infurmaziuns per praschuniers

Il servetsch social As gida da vesair las dumondas ed ils problems che ston vegnir schliads e da prender per mauns quels activamain. L'agid, la cussegliaziun e la promoziun èn en quest connex adattads individualmain a Vus. Tge che quai vul dir per Vus, sclerin nus cun Vus a chaschun da l'emprim discurs cun il servetsch social.

Nus As sustegnain en ils suandants secturs:

- **furniziun d'infurmaziuns:** assicuranzas socialas, instituziuns socialas e servetschs socials, instituziuns da terapia, advocatas ed advocats, instituziuns da vischnancas, avugadias uffizialas, cussegliaziun professiunala, agid a personas periclitadas, cussegliaziun da debits, assistenza da rehabilitaziun e.u.v.
- **sustegn, accompagnament e cussegliaziun en cas da crisas personalas:** en cas da surpretensiuns pervia da situaziuns e pervia d'eveniments engrevgiants, pervia da process da midada psichics e.u.v.
- **scleriment en cas da problems da relaziun:** elavuraziun d'experientschas difficilas, viver en grevas situaziuns socialas, accompagnament tar process da decisiun e.u.v.
- **instrucziun pratica per il contact cun uffizis e cun autoritads:** agid tar la communicaziun en scrit, emplenir questiunaris e formulars da dumonda e.u.v.
- **intermediaziun da posts spezialisads e da terapias:** servetsch forensic, clinica Beverin, servetschs psichiatrics u psicologics externs, instituziuns ambulantas e staziunaras che tractan dependenzas u posts da cussegliaziun per dumondas da dependenza
- **sustegn tar la tschertga d'ina abitaziun, d'ina lavur e d'ina piazza d'emprendissadi:** examinar pussaivladads d'ina scolaziun professiunala durant e suenter l'execuziun dal chasti, intermediar ina cussegliaziun professiunala, cussegliaziun d'abitar sociala e program da lavur al lieu da domicil e.u.v.
- **cussegliaziun da preventiv, eruida dals debits e preparaziun per sanar ils debits:** sustegn tar l'eruida dals debits, contact e curvegns cun uffizis da scussiun, sustegn per far glistas dals debits, preparaziuns per regular ils debits, intermediaziun da posts per la regulaziun dals debits, scleriment da la situaziun finanziala tar la sortida, procuraziun da meds finansials
- **reflectaziun dal fatg ed indemnizaziun:** discurs cun il servetsch social per reflectar il fatg, lavur sociala che s'orientescha vi da la ristga e vi dal delict, examinaziun d'intervenziuns correspudentas, infurmaziun e scleriment en tge secturs ch'i vegn spetga da Vus che Vus fetschias puspè bun Voss delict, elavuraziun directa da singuls elements e colliaziun/coordinaziun cun las singulas instanzas da cussegliaziun
- **intermediaziun da programs d'instrucziun:** promoziun da la furnaziun supplementara individuala, programs d'instrucziun TRIAS (training da cumpetenzas socialas per praschunieras e per praschuniers), curs interns (linguas, EED e.u.v.)

- **far in plan d'execuziun:** en cas da praschuniers che vegnan collocads effectivamain per dapli che 6 mais vegn fatg in plan d'execuziun sin basa d'ina formular standardisà. Cun quel vegnan fixadas las finamiras da l'execuziun ed el cuntegna indicaziuns davart la collocaziun, davart las mesiras da scolaziun e da furnaziun supplementara, davart mesiras d'assistenza spezialas/basegn da terapia, davart ina reflectaziun dal fatg/indemnisaziun, davart contacts cun il mund ordaifer il stabiliment, davart schluccadas da l'execuziun, davart preparaziuns da la relaschada

Cun il formular DUMONDA DA DISCUSSIUN ch'è exponì sin mintga plaun, pudais Vus giavischar in termin tar nus. En quest connex notais Vus en chavazzins, tge che Vus vulessas discutir cun nus.

Per infurmaziuns curtas As pudais Vus drizzar al servetsch social mintga di tranter las 12.30 e las 12.50 sco er il glindesdi e la gievgia tranter las 17.00 e las 17.45 senza annunzia.